

محترم هموطنلر!

بوگون بیرینجی دفعه اولاراق تبریزین و آذربایجانین حیاتیندا یئنی تاریخی بیر صحیفه آچیلیر. آذربایجان خلقی، ۲۰ ایل بیر ملتین حقوقونو آرادان* آپاران، ۲۰ ایل مشروطیتی تعطیل نده ن، ۲۰ ایل ایرانی ترقی و تکاملدن گنری قویان بیر غصبکارین هیکلینی آشاعی اندیریب و اونون یئرینده ایران مشروطه سینین اساسینی قوران آذربایجان خلقینین قهرمان و رشید اوغنونون مجسمه سینى پایدار ندیر (گورولتولو آلقیشلار). بیز بونولا او، ایگیرمی ایلیک فاجعه نین بساطین قوران آداملارا بیلدیریریک که، اونلارین خاناننه سیاستلری مشروطیتی داها بوندان آرتیق تعطیل نتمگه امکان تاپمایاجادیر. آذربایجان خلقی، رشید و قهرمان اوغولارینین قانی بهاسینا، مشروطیتی آلیب و او مشروطیت یاشایاجادیر. (گورولتولو آلقیشلار). بیز بو مجسمه نین قارشیسیندا آند ایچیریک که، مشروطیتی و آزادلیغی بوتون ایران اوزرینده حیاتا کنچیریب و ایرانین مظلوم خلقلرینین حقیقی آزادلیقلارین تأمین نده ک. (آلقیشلار).

بیز سون قطره قانیمیز قالانا قدر بو یولدا فداکارلیق نده جیبیک. بیز مخصوصاً بو مجسمه نی اوندان نوتری بوگون نصب نئدیک که، هله ده ارتجاع طرفدارلاری خیال ندیرلر که، اگر سلاح گوجوایله آذربایجانین آزادلیغینی آرادان آپارا بیلمه سه لر، حيله و نیرنگ ایله آپارا بیلرلر. قوی اونلار بیلسینلر که، آذربایجان خلقی نوز آزادلیغین و ایران خلقینین آزادلیغین محترم ساییب و اونو ساخلاماغی ایسه نوز و تضمین نتمیشدیر. بیز نه تکجه، آذربایجاندا، بلکه بوتون ایراندا آزادلیغی حیاتا کنچیره جیبیک.

* - بو کلمه بو کتابدا (آرادام) یازلمیشدیر. - یاشار آذری

بیز ایندکی هورومچک تورو کیمی ایران خلقینی تورا سالیب اونلاری سیخان منحوس رژیمی آرادان آپاریب و اونون عوضینه خلقه آزادلیق و سعادت ونره جییک. تهرانداکی او چوروک باشلار، فاسد بنینلر بیلمه لیدیرلر که، نه وقته قدر او قورخولو، ظلم و اسارت نشانه سی اولان مجسمه لر آرادان گنتمه بیدیر؛ نه وقته قدر اونلار ملتین ایله گوتورولوب سرنگون اولماییدیر، ایراندا آزادلیق اولای بیلمز. تهران حکومتی آذربایجانلایاناشا بیلمز. تهران حقیقی آزادلیق و دموکراسی اصوللاری ایله اداره اولونان صورتده آذربایجان ایله یاتاشاجاقدیر. آذربایجان نوزونو هنج وقتینده مرتجعلره تسلیم نتمیه جکدیر. بونو بیر دفعه لیک هامی بیلیب قولاغیندا ساخلامالیدیر.

تصادفاً بورادا اولان ایران مطبوعاتینین گورکملی نماینده لریندن آقای ملک و عمیدی نورینین حضورلاری منیم خاطریمه گتیردی که، نچه ایل بوندان قاباق آقای ملک یازیردی که، خلقی اسارتده ساخلایان و حقوقون پایمال نده ن بو رضاخان مجسمه لری نه وقته قدر بو حالدا دوروبدورسا، بیزیم آزادلیغیمیز تأمین اولمایاجاقدیر. بو دوزدور. او مجسمه لر تیکان کیمی خلقین اوره گینه باتیر من خواهش ندیره م که، آقای ملک تهراندا دنسینلر که، "دو صد گفته چون نیم کردار نیست".

ایکی یوز سوزون بیر عملجه قیمتی یوخدور. بیز دندیک و دندیگیمیزی عمل نندیک. خلقین آرزولارینی بیلیب اونلاری حیاتا کنچیردیک. عزیز یولداشیمیز آقای پنبه نی نین دندیگی کیم، قوی خلق ایچون خوخو- خوتدان اولان، خلقین اوره گینی سیخان مجسمه لر گوتورولسون و ایران خلقی بیزدن سرمشق آلیب بو چوروک مجسمه لرین یئرینده ایران آزادلیغینین و مشروطه سینین یولوندا شهید اولانلارین: ملک المتکلمین، صوراسرافیل، میرزا رضاخان کرمان و سایرلرینین مجسمه سینی قویسونلار.

ایراندا اول دفعه ظلم، اسارت نشانه سی اولان رضاخان مجسمه سینی گوتورمک و اونون یئرینده آزادلیق و قهرمانلیق نمونه سی اولان ستارخان مجسمه سینی قویماق

افتخاری آذربایجان خلقی و اونون رهبری اولان آذربایجان دموکرات فرقه سینه نصیب اولدو. من افتخار ندیرم که، بو مجسمه نی آچیرام.
آقای پیشه وری گورولتولو آقیشلار ایچه ریسینده مجسمه نین یاتینا گندیب و مجسمه نین پرده سینی گوتوردو. بو موقعه اوررا و موزیک سسی سردار باغینین محوطه سینده ظنین انداز اولراق بو تاریخی گونده تماشاچیلار آذربایجان خلقینین قهرمان اوغلو ستارخاتین هیکلینی، کنچمیش رژیمین یادگاری اولان رضاخاتین منحوس مجسمه سینین یئرینده تماشا نئدیله.
آقای پیشه وری نطقینی قورتاردیقدان سونرا، ستارخاتین مجسمه سینین قارشیسیندا رژه وئریدی.

او نطقون تکمیلینده سالار ملی مجسمه سی نصیبی مناسبیله آیدین نطقترین تفصیلی ده شایان دقت دیر.

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبیله

مرکزی تبلیغات شعبه سینین نشریه سی

تیریز ۱۳۲۵

تایپ الیین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N 3XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الیین تاریخ: ۱۳۸۵